

PROTOKOL

sa prvog sastanka Mješovite komisije za međunarodni drumski prevoz

između delegacija

Bosne i Hercegovine i Republike Bjelorusije

održanog u Sarajevu, 05.marta, 2019.godine

Delegacije su se dogovorile o sljedećoj agendi:

1. Razmjena informacija o robnoj razmjeni između Bosne i Hercegovine i Bjelorusije, i razvoj drumskog transporta u obje zemlje;
2. Prevoz putnika;
3. Prevoz roba i usaglašavanje kvote dozvola za 2019. godinu i preliminarne kvote za 2020. godinu;
4. Ostala pitanja.

Sastav dvije delegacije se nalazi u prilogu ovog Protokola.

U uvodnom dijelu sastanka nakon iskazane dobrodošlice od strane šefa delegacije Bosne i Hercegovine, šefovi delegacija su predstavili članove delegacija.

1. Razmjena informacija o robnoj razmjeni između Bosne i Hercegovine i Bjelorusije i razvoj drumskog transporta u obje zemlje

Delegacije su razmijenile statističke podatke o robnoj razmjeni između dvije zemlje. Delegacija Bosne i Hercegovine je uručila drugoj strani podatke o robnoj razmjeni između dvije zemlje za period 2013-2018. godina.

Delegacija Bosne i Hercegovine je konstatovala da je obim robne razmjene (izražen u kg), u pogledu izvoza iz Bosne i Hercegovine u Bjelorusiju od 2013. godine, u stalnom porastu. Izuzetak, u pogledu obima robne razmjene (izraženo u €), predstavlja 2016.godina.

Delegacija Republike Bjelorusije je konstatovala da se podaci o obimu robne razmjene između dvije zemlje podudaraju.

Dvije delegacije su konstatovale da je evidentan trend povećanja obima robne razmjene između dvije zemlje.

2. Prevoz putnika

Delegacija Bosne i Hercegovine je upoznala delegaciju Bjelorusije da je u Bosni i Hercegovini nadležni organ za izdavanje dozvola za međunarodni prevoz putnika Ministarstvo komunikacija i transporta Bosne i Hercegovine, Trg Bosne i Hercegovine 1, Sarajevo, e-mail: transport@mkt.gov.ba, telefon: + 38733284750, fax: + 38733707694.

Delegacije su konstatovale da trenutno ne postoje registrovane redovne autobuske linije za obavljanje međunarodnog prevoza putnika između dvije zemlje.

Obostrano je zaključeno da ne postoje prepreke za razvoj linijskog i vanlinijskog prevoza putnika.

Delegacije su se složile da prevoznik, u slučaju podnošenja zahtjeva za uspostavljanje redovne autobuske linije za obavljanje međunarodnog prevoza putnika između dvije zemlje, podnosi zahtjev sa dokumentacijom u skladu sa nacionalnim zakonodavstvom.

Delegacije su se složile da je kontrolni dokument za obavljanje vanlinijskog prevoza putnika za prevoznike iz Bosne i Hercegovine putni list sa spiskom putnika u skladu sa odredbama INTERBUS Sporazuma, a za prevoznike iz Republike Bjelorusije, putni list sa spiskom putnika u skladu sa odredbama ASOR Sporazuma.

Dogovoreno je da kvota dozvola za obavljanje vanlinijskog prevoza putnika ostane na nivou iz prethodnih godina, odnosno 20 dozvola za obavljanje vanlinijskog prevoza putnika. Strane su saglasne da će u slučaju zahtjeva za dodatnim kontingentom dozvola isti razmotriti i nastojati pozitivno riješiti.

3. *Prevoz roba i usaglašavanje kvote dozvola za 2019.godinu i preliminarne kvote za 2020. godinu*

Delegacija Bosne i Hercegovine je predložila da se bilateralni i tranzitni prevoz između dvije zemlje oslobodi sistema izdavanja dozvola, počev od 2020.godine.

Delegacija Republike Bjelorusije je prihvatila prijedlog delegacije Bosne i Hercegovine, te dodatno predložila da se ukine i prevoz roba iz/u treću zemlju.

Nakon kraće diskusije delegacije su zaključile da će pokrenuti aktivnosti na izmjenama i dopunama odredbi važećeg Sporazuma između Savjeta ministara Bosne i Hercegovine i Vlade Republike Bjelorusije o drumskom prevozu putnika i roba, kako bi se počev od 01.januara 2020.godine, bilateralni, tranzitni i prevoz iz/u treću zemlju, obavljao bez obaveze posjedovanja dozvola.

Do stupanja na snagu izmjena i dopuna važećeg Sporazuma između Savjeta ministara Bosne i Hercegovine i Vlade Republike Bjelorusije o drumskom prevozu putnika i roba, kojim će se prevoz roba između dvije zemlje (bilateralni, tranzitni i prevoz roba iz/u treću zemlju), obavljati bez obaveze posjedovanja dozvola, dogovoren je sljedeći godišnji kontingent dozvola za 2019.-2020. godine:

- 300 dozvola za obavljanje bilateralno/tranzitnog prevoza i
- 350 dozvola za obavljanje prevoza roba iz/u treću zemlju.

Strane su saglasne da će u slučaju zahtjeva za dodatnim kontingentom dozvola isti razmotriti i nastojati pozitivno riješiti. Sve dozvole izdate za tekuću godinu važe do 31. januara naredne godine.

Delegacije su zaključile da vožnje praznim vozilom podliježu sistemu dozvola.